

Hæreticis non sunt re baptizandi: quod in baptismo tres Personæ sunt exprimendæ: quod Mater Dei semper fuerit Virgo: quod aqua benedicatur, quod fons Cruce signetur, quod aqua in Calice miscetur: quod Eucharistia à jejuniis sumatur: quod diebus festis à servilibus abstineatur. Et similia. Etiam traditiones Ecclesiasticæ servari debent: ut solemnis ratio Passionis, Resurrectionis, Ascensionis, Pentecostes, C. 5. D. 11. C. 6. de Celebrat. Missar.

## TIT. V.

## De Postulatione Prælatorum.

125 *Postulare* aliquando significat, *advocare in iudicio*, ut in *tit. de Postulando*. Sed in præsentî *postulatio* est ejus, qui eligi non potest *concor. Capituli facta superiori peritio*, C. 20. c. 23. de *Elect.* Et *tot. hoc Titulo*, estque adeo affinis electioni, ut sæpè indifferenter una pro alia sumatur, ut in C. 14. D. 63. Et in C. *Valentinianus*, 3. D. 63. ubi loquendo de postulatione D. Ambrosii dicitur: *Cum autem ordinatione Divina Ambrosius nondum baptizatus electus fuisset*. Verè tamen differunt in eo quod eligitur dignus, & habilis ab omni impedimento expeditus: postulator dignus, inhabilis tamen ex eo, quod impedimentum habeat, C. 6. h. t.

126 Postulatio est duplex: alia *solemnis*; simplex alia. *Solemnis est*, quando dirigitur ad Superiorem, qui potest dispensare. *Simplex*, quando dirigitur ad illum, qui dispensare non potest: imò nec est necesse, quod dispense sed tantum ejus licentia, vel consensus requiritur, ut si aliquis Religiosus assumatur in Episcopum, tantum indiget licentia sui Superioris, nec est necessaria dispensatio, C. 27. c. 36. de *elect.* in 6. l. 24. tit. 5. p. 1. Postulatio simplex apud Superiorem immediatum, à quo habenda est licentia debet interponi: solemnîs apud illum interponitur, qui in impedimento potest dispensare, & qui posset confirmare electionem, si esset electio: quippè admissio postulationis vim Confirmationis habet, & sic postulator idem jus habet, ac si esset electus, & confirmatus. Et si Ecclesiæ utilitas exigit, potest Pontifex Episcopum consecratum postulatam ad aliam Cathedralè, ad eam acceptandam cogere, C. 35. 7. q. 1. Et licet Superior

non teneatur ex rigore justitiæ postulationem sibi præsentatam admittere, cum ab ejus gratuita dispensatione dependeat, nec sit jus postulato acquisitum, C. 5. h. t. ex debito tamen officii tenetur eam admittere, potestque ad id à Superiori compelli, *Gl. in c. 3. h. t. v. gratia*, L. 24. tit. 5. p. 1.

127 Postulatio etenim cum sit via extraordinaria, & indigeat dispensatione, innititur gratiæ Superioris, C. 5. h. t. secus electio: hæc enim justitiæ innititur, & dat jus electo: nec potest post publicatum scrutinium revocari ab eligentibus, sed faciendâ est collatio. Et ad hoc possunt per Superiorem compelli, C. 58. de *elect.* postulantes verò, antequam Superiori postulationem præsentaverint, illam revocare possunt; quia postulato necdum est jus acquisitum, C. 3. h. t. non verò postquam eam Superiori præsentarunt, ne Superioris iudicium illudatur, aut videatur dependere ab arbitrio postulantium, C. 4. h. t. Denique postulatio est introducta in electionis subsidium, ut qui aliquo impedimento obstante non potest eligi, saltem dispensativè possit ex postulatione ad Prælatum assumi. Qui enim nullum impedimentum habet, non indiget postulari, sed debet eligi. Et licet decens sit, quod eligatur aliquis de gremio Capituli in illius Prælatum; *arg. C. 4. c. 5. 18. q. 2.* non tamen est impedimentum Canonicum, quod sit extraneus, C. 2. de *Electio.*

128 Postulare possunt aliquem in Prælatum, qui possunt eligere, ut est *com. DD. ex C. 4. h. t.* ad eò, ut mandatum ad eligendum, etiam ad postulandum datum censeatur, C. 30. de *Elect.* Et licet aliquando possit postulari, qui non potest eligi, tamen potest accedere, quod aliqui nec eligi, nec postulari valent, Tales sunt furiosi, amentes, rudes omnino, homicidæ, perjuri, corpore vitati, infames, bigami, spurii, & alii hujusmodi, C. 40. de *Elect.* *arg. C. 10. de Renunt. Greg. Lop. in L. 24. tit. 5. p. 1. v. Señalados, Gonz. in C. fin. h. t. n. 7.* Solum ergo postulantur, qui cum digni sint, solum ex Jure Canonico habent ad electionem passivam impedimentum, & quidem non difficilis dispensationis. Hac ratione Novitius postulator in Prælatum, C. 13. de *election.* similiter postulator illegitimi, & qui carent litteratura, ætate, vel ordinibus requisitis, C. 20. c. 22. de *Elect.* l. 24. tit. 5. p. 1. Episcopus tantum electus eligitur, non postulator ad aliam Ecclesiam, quia conjugium spiri-

tuo-

tuale inter ipsum, & Ecclesiam non est periculis contractum, sed tantum inchoatum. Si verò si conjugium spirituale jam ratum per confirmationem, vel consummatum per consecrationem, etiamsi sit Episcopus *Titularis* tantam, Populo, & Clero carens, quia suam habeat Ecclesiam in partibus in fidelium, qui *Hispani dicitur de anilo* (fortè, quia non Diocesim, sed tantum annullum in signum matrimonii habet) si ad aliam Ecclesiam promovatur, postulandus est, C. 1. c. 2. c. 3. c. 6. h. t. L. 24. tit. 5. p. 1. quia habet impedimentum Canonicum, scilicet, conjugium spirituale, in quo est dispensandum à R. Pontifice, nec primam Ecclesiam, quæ est ejus conjux, potest propria autoritate dimittere, C. 2. de *Translat. Episc.* Cardinales, non Episcopi, & alii Prælati Religionum, cum nullum propriè conjugium spirituale cum suis Ecclesiis habeant, non sunt postulandi solemniter. Sed quia Cardinales sunt specialiter Ecclesiæ Romanæ adstricti, & alii Prælati suis Superioribus, & Ecclesiis sunt devincti, ad eò ut per eorum mortem, Ecclesia vacans dicatur, licet improprè, viduata, C. 41. de *Electio.* ut promoveantur, indigent Superioris licentia, ac proinde postulantur, simpliciter tamen, C. 1. h. t. c. 30. de *Elect.* in 6. Qui vero in aliquibus Ecclesiis, ut in compostellana, cardinales vocantur, cum verè Cardinales non sint, non postulantur, sed eliguntur, C. 57. de *Elect.*

129 *Bonifacius VIII. in C. unic. h. t. in 6.* irritat electionem, & postulationem simul factam, v. g. *eligo postulando; postulo eligendo; eligo; & postulo.* Cum nec vera electio, nec vera postulatio resultet ex ipsis, quin sibi potius invicem adversentur. Sub hac forma: *Eligo, & postulo, prout potest melius de jure valere*, solum, quando probabiliter, dubitatur, utrum quis sit eligendus, vel potius postulandus, valet; sed postulatus, ne in incertum vagetur, debet eligere, vel electionem, vel postulationem, & una via electa, non potest ad aliam redire. In postulatione simplicis; imò & in solemnî debet servari forma præscripta in C. 42. de *Elect.* ita *Innoc. Panor. & alii contra Hostiens.* quia postulatio, ut subrogata electioni, ejus naturam sapit; *arg. C. 41. de Elect.* Et cum ei sit accessoria ejus naturam sequitur, C. 42. de *Reg. jur. in 6.* cum aliis jus nihil speciale statuat pro postulatione faciendâ.

130 Ad postulationem sufficit, si major, & senior pars Capituli consentiat; *arg. C. 1. de His, que à mayor. L. 19. ff. ad Tom. I.*

*Municip.* nisi concurrat cum electione: hoc est, quod una pars Capituli eligat unum nullo impedimento laborante, & altera pars postulet Canonico impedimento laborantem: tunc enim, ut postulatio prevaleat, requiritur, ut in postulum concurrant duæ partes Capituli: si verò electus habeat pro se plusquam tertiam partem suffragiorum, prævalet electio postulationi, & acquiritur jus electo, debetque necessariò confirmari à Superiori, C. 40. de *Elect.* quia cum postulatio, quoddammodo gratiosè à Collegio fiat, C. 3. h. t. congruum non est, tot Collegis invititis, alios benignitatem Collegii velis impartiri, illosque ad gratiam faciendam compellere, C. 6. de *Constit. c. 4. 10. q. 2.* ibi: *Cum ratio, & usus obtineat, neminem, cui non vult, contra utilitatem, & rationem cogi de proprio facere beneficium.* Si verò totum Capitulum in quinque compromissarios electionem compromittat, sufficit, quod quis à tribus postuletur, nam illa major pars Capitulum repræsentat, C. 30. de *Electio.*

131 Privatur pro ea vice jure postulandi, & eligendi, (& probabilius, ipso facto, ante sententiam condemnatoriam, licet declaratoria criminis requiratur) qui non expriment in literis postulationis omnia impedimenta, & defectus postulat; *arg. C. 20. de Elect.* C. 2. de *Filiis Presb. in 6.* qui scienter postulant indignum, C. 1. h. t. C. 40. de *Elect.* & illi, qui postquam semel temerè, licet, non scienter, factam postulationem, & rejectam, illam repetunt, C. 2. h. t. & cum delictum tantum suos Authores tenere debeat; *arg. C. 22. de Reg. jur. in 6. L. 22. C. de Penis.* ad contradicentes expressè, licet, non ad tacentes, vel dissimulantes devolvitur in illo casu jus postulandi, & eligendi, C. 2. h. t.

## TIT. VI.

## De Electione, &amp; electi potestate.

132 *Electio*, sic communiter explicatur: *Est aliquis personæ idoneæ ad Prælationem, vel fratrum Societatem Canonice facta vocatio.* Differt. 1. à postulatione: quia hæc innititur gratiæ, electio justitiæ innititur; 2. à præsentatione: quia hæc competit Laicis, & potest revocari, & præsentari alius. Electio verò non competit Laicis, & dat jus saltem remotum electo. Electio requirit subsequentem confirmationem, præsentatio verò institutionem, 3. à libera collatione: quia

F

quia per hanc acquiritur collatio jus reale, & quasi dominium in beneficio collato, nec potest renuntiari sine consensu superioris: electio vero, etiam acceptata solum tribuit electio jus ad rem, ac proinde potest electus, vel prosequi electionem, vel eam renuntiare, 4. *d. nominatione*: nam hæc nullo jus dat nominatio, C. 28. h. t.

133 Jus eligendi pro temporum varietate apud varios exstitit. In primitiva enim Ecclesia aliqui Prælati sibi successores constituerunt, accepta à Christo D. potestate, C. fin. D. 68. Mortuis Apostolis jus eligendi Episcopus pertinuit ad R. Pontificem, tamquam successorem Divi Petri, cui summa potestas in totam Ecclesiam à Christo fuit concessa, C. 1. D. 22. postea SS. Pontifices hanc electionem toti Clero, & populo Civitatis concesserunt, C. fin. D. 91. c. fin. D. 79. c. 13. D. 63. ibi: *Episcopos per Emiliam non consecres, nisi post electionem Cleri, & Populi Et quamquam Barbosa de Offic. & potest. Episc. tit. 1. cap. 3. n. 5. Machad. in Sum. lib. 4. p. 6. tr. 1. dor. 4. Bellarm. & alii teneant, Populum verè, aliquando cum Clero Episcopos elegerit, tenendum iudicio, illum solum vocari ad consentiendum electioni, non ad electionem faciendam, ut satis clarè explicat Pontif. S. Stephanus in C. 12. D. 63. ibi: Sacerdotum est electio, & fidelis Populi consensus adhibendus est: quia docendus est Populus, non sequendus. Et notat Gratianus in C. 25. D. 63. Et ita potest intelligi quod dicitur in C. 22. D. 63. ubi dicitur Adrianum Papam Imperatori dedisse jus Pontificem eligendi: Hoc tamen confictum à Sigeberto, probant Baron. ad ann. 774. Bellarm. de Script. Eccles. ad ann. 1145. & alii, qui hunc Canonem inter apocryphos enumerant, \* sed postea Ludovicus Imperator hoc jus tale quale à se abducavit, & Romanis concessit, C. 30. D. 63. postea hæc potestas Episcopus eligendi fuit concessa Clericis Diocesis, & Religiosis, sine interventu Populi, C. 35. D. 63. postea fuit constitutum, quod Clerici Sæculares Episcopos, Religiosi vero suos Prælatos, Abbates, vel Priores eligerent, C. fin. 16. q. 17. Denique jus eligendi Episcopum jure communi residit in uniuscujusque Ecclesie Capitulo, C. 1. h. t. quia nulli rectius, quam Capitulares de meritis eligendi, & Ecclesie necessitatibus, & commodo valent informari; arg. t. 5. de Testib. Et cum ipsi sint membra Capitis, id est, Prælati non ad alios, quam ad ipsa membra electio capitis spectare debet, C. 6. de His que fiunt; sic in Capitulis, Collegiis, Confraternitati-*

bus, alisque Congregationibus usu quotidiano receptum est.

134 Hic modus eligendi duravit usque ad tempora Bonifacii VIII. & Clem. V. sed postea R. Pontifices ad tollendas discordias, quæ in his electionibus continuè oriebantur, hanc facultatem, quoad beneficia vacantia in Curia sibi reservarunt, Extr. 13. de Præbend. int. com. Et generalitèr, quoad omnes Ecclesias Episcopales ubicumque vacantes, electionem reservarunt in reg. 3. Cancell. exceptis Regnis Hispaniæ, Galliæ, & Poloniæ, quibus jus præsentandi reliquerunt. In Germania tamen adhuc servatur modus eligendi, de quo in hoc titulo agitur, per concordata inter Nicolaum V. & Federicum III. In nostra Hispania nostri Catholici, Potentissimique Reges habent jus Patronatus omnium Cathedralium, jusque ad ipsas Episcopos præsentandi, ut pro Regnis Hispaniæ, & ejus Ditioni subiectis constat ex L. 1. tit. 6. lib. 1. R. C. ibi: *Por derecho, y antigua costumbre, y justos titulos, y concessiones Apostolicas, somos Patron de todas las Iglesias Cathedrales de esos Reynos, y nos pertenesce la presentacion de los Arzobispos, Obispos, y Prelados, y Abades Consistoriales de estos Reynos, aunque vaguen en Corte de Roma. Quod corroboratur ex C. 25. D. 63. de quo Greg. Lop. in L. 18. tit. 5. p. 1. Azeved. in d. L. 1. Recop. Gonz. in C. 2. h. t. n. 9. Barbosa. de Potest. Episc. tit. 1. cap. 3. ex n. 27. & alleg. 57. num. 88. Camil. Borel. de Præstant. Regis Cathol. cap. 50. in Regno Granatensi pertinent ad Regium patronatum omnes Canonicatus, & Dignitates, & omnia beneficia tam curata, quam simplicia, Bobad. Polit. L. 2. cap. 18. n. 221. idem est in his Indiæ Regnis, ex L. 10. per tot. tit. 6. lib. 1. R. Ind. Solorz. de Jur. Indiar. tom. 2. lib. 3. cap. 2. & 3. Villaroel, Frasso, & alii. Mortuo enim Episcopo Rex ejus bona in custodiam accipit, L. 18. tit. 5. part. 1. taliaque spolia in Hispania colligi facit, Castellæ Regius Senatus, & lites, quæ super eis moventur determinat, & solutionem famulorum, & creditorum jubet fieri. In Indiis tamen Regiæ Cancellariæ de his cognoscunt. De qua praxi est videndus Solorz. de Jure Indiar. tom. 2. lib. 4. cap. 3. n. 34. & in Polit. Indiar. lib. 4. cap. 11. f. 586. Et hoc jus patronatus, ad summum olim habuerunt Reges, & Imperatores, licèt in aliquibus Canonibus plus ipsis concedi videatur. Cum Laici, nec per consuetudinem immemorabilem possint acquirere jus eligendi, C.*

C. 56. h. t. quia est jus spirituale, cujus incapaces sunt Laici; arg. C. 51. h. t. nisi ex Pontificia facultate. Jam ergo ventianus ad jus commune. Clerici enim extranei, qui non sunt de corpore Capituli, nec membra illius communitatis non possunt eligere Prælatum, nisi habeant privilegium R. Pontificis, vel id ex consuetudine habeant, C. 8. de Consuet. Et quidem præscripta 40. annis, intra quos aliqua saltem electio sit facta, & confirmata à Superiori, vel saltem nulla sit rejecta. Etiam possunt hoc jus habere, ex fundatione, si à Patrono Ecclesiastico talis imponatur conditio, C. 23. de Jure Patron. à Laico tamen non potest poni. Reducitur ergo jus eligendi Prælatum, non ad omnes Clericos, vel Beneficiatos illius Ecclesie, sed ad solos illos, qui ut membra illius Ecclesie actu constituunt Capitulum, & Canonici, & Capitulares vocantur, communi sigillo ununtur, & constituere valent commune procuratorem, vel Syndicum; arg. C. 14. de Excesib. Prælator. Et quidem saltem tres requiruntur ad constituendum Collegium, vel Capitulum, L. 85. ff. de Verb. signifi. potest tamen conservari in duobus; arg. C. 1. h. t. vel etiam in uno, L. 7. §. fin. ff. Quod cuiusq. univers. Imò in parietibus, & fundo conservantur Collegii privilegia realia, si omnes moriantur: cum facilius jura conserventur, quam acquirantur, L. 8. ff. de His, qui sui.

135 Ut quis habeat jus eligendi, sufficit, quod bona fide possideat præbendam, cui tale jus est annexum, licèt illius proprietatem non habeat: nam tunc, ut bonæ fidei possessor percipit fructus præbende, L. 48. ff. de Acquir. rer. domi ac proinde habere debet suffragium in electionibus, quia est quasi fructus juris eligendi, C. 24. h. t. secus si mala fide possideat; arg. L. 22. C. de Rei vindicat. sed etiam si lis moveatur super proprietate beneficii non turbat possessorem à jure eligendi, quia lite pendente, nihil est innovandum, C. 1. Ut lite pendente. Secus est si controversia moveatur super ipso jure possessionis, quia tunc litis finis, & exitus expectatur; C. 2. de in Integr. restit. Hac quasi possessio eligendi, unica electione acquiritur, C. 7. de Causa possess. Et prop. Et sufficit electio ad mentionem unam electionem probare; arg. L. 1. §. 4. ff. de Aqua quotid. præcipue ultimam: nam possessio, quæ fuit tempore perturbationis attenditur, §. Retinenda, 4. Inst. de Interdict. c. 9. de Probat. Gonz. Tom. I.

in f. 24. h. t. Et consonat de Jure Hispano: L. 9. tit. 5. p. 1. ubi: *Por esso non debe quitar aquel Clerigo la Iglesia, pues sus presentado de aquel, que era en tenencia, è le tenian los homes de aquel Lugar por Patron. Et ibid. Greg. Lopez.*

136 Ex electoribus nullus potest se ipsum eligere, quia inter dantem, & accipientem debet esse distinctio personalis, c. fin. de Institur. ne aliàs ambitioni ansa daretur. Nec ullus Prælatum Ecclesiasticus potest sibi eligere successorem in Episcopatu, vel Prælatura, ut sic omnis species hæreditariæ successionis in beneficiis Ecclesiasticis tollatur, C. 3. cum seqq. 8. q. 1. si Div. Petrus S. Clementem sibi in Pontificatu successorem elegit, C. 1. 8. q. 1. hoc tribuendum est speciali Dei inspirationi, non verò, ut ceteri Prælati hoc exemplum ad consequentias trahant: quin imò deberent trahere exemplum S. Clementis, & Ecclesie, qui noluerunt electioni consentire, ne ab aliis hoc exemplum sequeretur, vel etiam potest dici quod Div. Petrus illo factio solum virtutes S. Clementis Ecclesie commendavit, ut post ipsum in Pontificem eligeretur, C. 2. 8. q. 1. *non potest sibi eligere successor*

137 Ex Capitularibus, qui actu constituunt Capitulum ab electione activa, seu jure eligendi excludantur. 1. furiosi, quia iudicio carent, L. 40. ff. de Reg. jur. 2. imputeres, C. 32. h. t. in 6. 3. qui Saceris Ordinibus non sunt decorati, Cl. 2. de Etat. & qualit. Trid. sess. 22. de Ref. cap. 4. Hi enim non habent vocem activam in Ecclesiis Cathedralibus, Collegiatis, & Regularibus, habent tamen jus eligendi si in sacris sint constituti tempore electionis, etiam post vacationem Prælaturæ sint ordinati, vel etiam si ante eam ob dispensationem ad sacros Ordines ascenderint, imò etiam absque dispensatione sint ordinati, dum tamen bona fide processissent; secus si mala fide: nam tunc, vel ipso jure sunt privati suffragio ex Const. Pii II. cum ex Sacrorum An. 1461. vel saltem ob eorum temeritatem debent privari.

138 4. Excommunicatione majori ligati, C. un. Ne Sede vacante in 6. Suspensi simpliciter; vel expressè à voce activa, vel ab officio, C. 16. h. t. non verò suspensi à beneficio tantum, Gonz. in c. 16. h. t. n. 2. quia ferre suffragium est actus jurisdictionis, vel officii. Interdicti personalitèr à jure eligendi excludantur, & etiam qui interdictione locale temere per celebrationem Missæ violarunt, C. 16. h. t.

c. 18. §. Is vero, de Sent. excom. in 6. Hodie post Extrav. Ad vitanda. Hi omnes censurati, si denunciati non sint, nec Clericorum notorii percussores, si per exceptionem non repellantur, eligere possunt, illorum enim suffragium tunc valet, non ob illorum, sed ob utilitatem Ecclesiae, Prælati, & aliorum fidelium. Si verò sint vitandi esse electio ipso jure nulla; arg. c. 8. de Sent. excom. in 6. Et ad non censuratos devolvitur jus eligendi; arg. c. 2. de Postul. Prælat. Imò, & nulla est electio celebrata à non censuratis, si scienter censuratum admitterent; arg. c. fin. de Procurat. Et est communis opinio Canonistarum, Suar. de Cens. D. 14. selt. 2. n. 17. Minori verò excommunicatio ligatus licet non possit eligi, eligere tamen potest: nam excommunicatio minor tantum privat participatione Sacramentorum, non tamen communicatione fidelium, c. fin. de Cleric. excom. taliter enim ligatus habet vocem activam: licet passiva careat.

139. §. Qui ad Episcopatum postulaverunt, vel elegerunt indignum, c. 2. de Postul. Prælat. c. 40. h. t. 6. Recipientes postulatum ad Ecclesiam tanquam institutum, vel administratorem ante admissionem postulationis à Superiore factam; C. 23. h. t. 7. Qui non elegerunt intra tempus præscriptum, C. 41. h. t. 8. Qui formam eligendi non servant, C. 42. h. t. Irregulares non privantur suffragio, cum nullo jure hæc poena probetur, nisi irregulares sint ex temeraria celebratione in loco interdicto, c. 18. §. 1. de Sent. excom. in 6. Suar. de Cens. D. 40. selt. 2. n. 27. Barbos. de Canon. & Dignit. cap. 41. ubi latè de his agit.

140. Ante mortem Prælati non potest fieri electio successoris, cum adhuc non vacet Ecclesia C. 2. de Conces. Præbend. Imò prius debet tradi sepulture corpus Prælati, & post tertium depositionis diem, fiet electorum convocatio ad decernendum circa futuram electionem, C. 7. D. 79. c. 36. h. t. Electio debet fieri in ipsa Ecclesia viduata, C. 28. h. t. nec obstat, si sit interdicta, quia electio consideratur, ut contractus, qui non prohibetur per interdictum: sed non debet fieri de nocte, nisi necessitas urgeat, & tunc debent sufficientia luminaria adhiberi, ne Capitulares videantur malè agere, si lucem oderint. Pontifex in C. 41. h. t. statuit, ut ultra tres menses Cathedralis Ecclesia, vel Regularis Prælati non vacet, intra quos (justo impedimento cessante) si elec-

tio celebrata non fuerit, qui eligere debuerant, eligendi potestate carent: ea vice: ac ipsa eligendi potestas ad eum, qui proximè præesse dignoscitur devolvenda est. Is verò, ad quem fuerit devoluta potestas, Deum præ oculis habens non debet ultra tres menses differre cum Consilio sui Capituli, & aliorum virorum prudentium, viduatam Ecclesiam de persona idonea ipsius quidem Ecclesiae, vel alterius, si digna non reperitur in illa, Canonicè providere, si Canonicam velit effugere ultionem. In aliis Prælaturis, Dignitatibus, & beneficiis, quæ non sunt Prælaturæ Cathedralium, & Regularium non debet differri electio ultra sex menses, C. 2. de Conces. Præbend. Hoc tempus trium, vel sex mensium currere incipit à die notitiæ vacationis, si tunc impedimentum non sit; aliàs à die impedimenti remoti, quia legitime impedito non currit tempus, C. 5. de Conces. Præb. Etiam si Electores propria culpa contraxissent impedimentum, v. gr. censuram, modò non sint negligentes in petenda absolute. Si electus renuntiet electioni, vel moriatur, aliud trimestre conceditur, C. 26. h. t. in 6. Et idem accidit in secunda, tertia, & ulterioribus electionibus. Hunc quidem terminum non possunt prorogare, possunt tamen illum coarctare Electores, cum in favorem eorum introductus sit; arg. L. 29. C. de Pænis.

141. Ad electionem vocandi sunt, non tantum Capitulares presentes, sed etiam absentes, illi scilicet, qui debent, & volunt, & possunt commodè interesse, C. 42. h. t. quia nullus sine justa causa est suo jure privandus. Vocandi ergo sunt, qui habent jus suffragii, nec aliquo impedimento laborant, ut ad electionem accedant, si velint, C. 28. h. t. quia possunt suo juri renuntiare, C. 6. de Privileg. non sunt vocandi, si non aliter quam cum ipsorum, vel Ecclesiae periculo comparere possunt, C. 28. h. t. vel si propter distantiam, juxta prudentis viri arbitrium, vel consuetudinem Ecclesiae computandam, C. 55. h. t. non possint commodè adesse, C. 18. h. t. ita ut etiam intra Provinciam existentes non vocantur, si distantia est magna, & vocantur etiam extra Provinciam existentes, si non est magna distantia, C. 28. c. 36. h. t. si non est vocata, sed contempta plusquam tertia pars Capitularium, electio est nulla ipso jure ex defectu potestatis, quæ quidem in duabus partibus Capituli residet. Si aliquibus contemptis ceteri conveniunt ad elec-

electionem, & hæc est facta à majori parte omnium habentium suffragium, non tantum respectu presentium, sed etiam respectu absentium, qui de jure vocandi erant, est valida, C. 28. h. t. ibi: Quod si eos vocatos non fuisse constiterit, sed contemptos, infrimanda erit electio penitus taliter celebrata, nisi postea propter bonum pacis curaverint consentire. Gonz. in C. 36. h. t. n. 7. quia factum à majori parte ab omnibus factum intelligitur, L. 19. ff. ad Municip. Contemptus tamen habet jus ad agendum de rescissione electionis, quantumvis electus sit confirmatus, vel consecratus, C. 28. h. t. sed cum hoc sit introductum in favorem contempti potest illi renuntiare, L. 29. C. de Pænis, vel expresse, consentiendo tali electioni, vel tacite, si non impugnet electionem, ante confirmationem, postquam publico edicto monitus fuit, si postea oppugnare vult, repellitur, cum suo juri renuntiasse credatur. Et tunc probabilis, nec Judex ex officio rescindere potest electionem, cum non de jure publico, sed de interesse partis agatur; arg. L. 4. §. 8. ff. de Damno infecto.

142. Non omnes absentes possunt procuratorem constituere, qui absentium nomine eligat, cum videatur electa Capitularium industria, permissum tamen est illis, qui justo impedimento prohibentur ad electionem accedere, v. gr. si gravi infirmitate, vel simili impedimento arbitrio Judicis detineantur: dum tamen possint, & debeant ad electionem vocari alias non possent procuratorem ad hoc constituere, cum alii plus juris, quam ipsi habent, dare non possint, C. 79. de Reg. jur. in 6. Absens potest unum, vel plures procuratores constituere, & quidem in solidum, & non aliter. Eritque melior occupantis conditio; quod si ambo concurrant, erit admittendus, quem major pars Capituli eligat: quod si Capitulares discordent, admittetur, qui prius in litteris procreationis est nominatus, C. 46. h. t. in 6. Procurator debet esse de corpore Capituli, poterit tamen esse extraneus, si Capitulares suo juri renuntiando, illum admittant; debentque jurare in animam sui principis, quod si impeditus sit nisi remittatur ipsi juramentum, vel impedimentum sit notorium, C. 42. h. t. si in mandato assignetur certa persona eligenda, illam nomine mandantis debet procurator eligere, & suo nomine, si Capitularis sit, poterit alium eligere; secus si simpliciter ipsi eligere mandetur, ita ut in ejus po-

testate sit hunc; vel illum assignare, & eligere: quia tunc, licet habeat duo suffragia, non potest illa dividere: cum impossibile sit judicare, Titium esse digniorem Cajum, & Cajum digniorem Titio, C. 46. §. Porro, h. t. in 6. Et potest alteri electionem subdelegare: non tamen potest compromittere, ne excedat finem mandati: Qui tamen habet mandatam generale, compromittere potest; quia totum jus eligendi in ipsum censetur translatum, non tamen potest subdelegare, quia censetur ejus industria electa: Absens quoque (licet nullus de Collegio velit esse procurator ejusdem, nec ipse, nolente Capitulo extraneum valeat deputare) non poterit aliquatenus per litteras exprimere votum suum: quod non est ante scrutinium, sed in ipso scrutinio, secretè, & sigillatim exprimendum, C. 46. §. fin. h. t. in 6. si electio fiat per schedulas obsignatas, quæ in urnam conjiciuntur, potest absens, vel infirmus ad Capitulum mittere suum suffragium scriptum.

143. Ad Prælaturas, & beneficia Ecclesiastica non solum eligendus est, qui sit dignus scientia, moribus, & ætate, C. 7. h. t. sed etiam dignior Trid. sess. 24. de Ref. cap. 1. ibi Eosque alienis peccatis communicantes mortaliter peccare, nisi quos digniores, & Ecclesiae magis utiles ipsi judicaverint. Et Innoc. XI. declaravit, Concilium non solum requirere dignos absolute, sed digniores respectivè ad dignos, ut constat ex prop. 47. inter damnatas ob ipso. Indignus est, cui deest aliqua ex qualitatibus requisitis ad ministerium, ita ut non possit tali muneri satisfacere. Dignus est, qui habet qualitates ad ministerium requisitas. Dignior, qui consideratis omnibus dotibus corporis, & animi erit Ecclesiae utilior. Sic regulariter est preferendus Doctor non Doctori. Sacerdos non Sacerdoti, nobilis, ignobilis, non indignis dispensatione, ea indigent; adultus juveni, originarius extraneo, & sic de aliis circumstantiis discurrendum est. Et cum non semper ille, qui est sanctior, & doctior sit dignior, potest non sanctior, & non doctior præferri sanctiori, & doctiori; si hic, & nunc omnibus pensatis circumstantiis, judicetur futurus utilior Ecclesiae, Barbos. de Offic. Paroch. cap. 2. ex n. 109. Laer. lib. 4. n. 597. Electio minus digni, si absolute est dignus, valida est, cum nullo jure irritetur, Lugo de Just. & Jur. D. 35. contra alios. Et ipse etiam prætermissio digniori, erit confirmandus. Qui, factò concursu, postpositi digniore dig-

no, peccat graviter contra justitiam, cum fiat quasi contractus cum oppositoribus de dando beneficio digniori; ac proinde tenetur digniori restituere, & compensare damna. Electus verò, si nihil injustè fecit, ne dignior eligeretur, non tenetur restituere, *Lugo de Just. & Jur. D. 35. n. 85. & 95. Laur. lib. 4. n. 588. & 628.*

144 Voce passiva carent, id est, non possunt eligi 1. furiosi, amentes, infantes, pueri, minores 14. annis, quibus nec personatus Ecclesiæ potest concedi: *Quia indecorum est, ut hi debeant Ecclesiæ regere, qui non noverunt gubernare seipsos, C. 3. de Ætat. & qualif. Pro Episcopatu requiritur 30. annus completus, C. 7. h. t. pro Beneficio Curato 25. inceptus, C. 7. §. 2. h. t. Trid. sess. 7. de Ref. cap. 3.* Aliquando tamen accidit, quod filii magnorum Principum, adhuc teneræ ætatis in Episcopos assumuntur, R. Pontifice dispensante ex gravi causa, magnaque Ecclesiæ utilitate, *C. 8. v. E contra, D. 16.* constituunt tamen administratores dignos, & ipsi ordines saltem minores suscipiunt. 2. Non possunt eligi illiterati *C. fin. D. 51.* siquidem in eligendo requiritur scientia competens, & sufficiens, ut muneris sui necessitati possit satisfacere, *C. 17. c. 20. h. t.* idè eligendus in Episcopum debet esse, vel Doctor, vel Licentiatus in Sacra Theologia, vel in Jure Canonico, vel saltem publico alieuius Academiæ, testimonio idoneus ad alios docendos, *Trid. sess. 22. de Ref. cap. 2.* An Canonista Theologo sit præferendus, vel è contra acriter disputant, *Simancas de Cathol. instit. cap. 25. ex n. 23. Soto de Just. & Jur. lib. 3. q. 6. art. 2. & quidem Solrz. de Jur. Indiar. tom. 2. lib. 3. cap. 7. ex n. 16.* probat, sapientiam rerum Sæcularium requiri in Episcopo; ex quo infert, Canonistam Theologo, & Clericum Sæcularem Regulari esse præferendos. Episcopum debere scire Sacros Canones, & Scripturam Divinam ait Text. in *C. 6. D. 38. Alterius sic, altera posuit opem res, & conjurat amici,* placet tamen, quod dicit *Cened. in colef. 51. ad Decret.* Scilicet, quod Trid. ad Episcopatus regendos equaliter juris Pontificii peritos, atque Theologos ipsos eligi posse decrevit.

145 3. Nequeunt eligi sequentes, scilicet, illegitimè nati, *C. 20. h. t. corpore viciati, C. 1. D. 49. Sacrilegi; arg. cap. 34. h. t. falsarii litterarum Apostolicarum, C. 7. de Crimin. fals. alectores publici, usurarii manifesti, infames, C. 11. de Exces. Pralat. perjuri, C. 10. de Jur. jur.*

Sodomitam frequentantes; *arg. Constit. Horrendum, S. Pii V. An. 1568.* Consentiens in electionem de se à Potestate Sæculari factam, *C. 43. h. t. Ambitiosus, qui consentit in sui electionem, tanquam jam factam ante formatum, & publicatum electionis Decretum; & electio est ipso jure irrita, C. 46. h. t. & ibid. Gloss. vel saltem irritanda, qui absque dispensatione plura retinet beneficia, C. 54. h. t. Hæretici, credentes, receptatores, defensores, eorumque fautores: ipsorumque filiosque ad secundam generationem. Hi enim ad nullum Ecclesiasticum beneficium, seu officium publicum sunt admittendi, quod si secus factum fuerit, erit irritum, & inane, *C. 2. §. 2. de Hæret. in 6. c. 15. cod. in 6. ubi Primum, & secundum gradum per paternam lineam comprehendere declaramus, per maternam verò ad primam dumtaxat volumus hoc extendi:* quod intellige, quando Hæretici non fuerunt Ecclesiæ reconciliati, nam si Ecclesiæ fuerunt reincorporati, non est locus huic poenæ schismatici, *C. 5. h. t. simoniaci, id est, pro quibus, vel à quibus pretium datum, & acceptum est, ut eligerentur. Et quando completa est simonia, electio est ipso jure irrita, Extr. 2. de Simon. int. com. si pretium tantum promissum est, erit irritanda, C. 27. de Simon. si alii commississent simoniam, ut Cajus, v. g. eligeretur, quamvis ipso ignorante commissa sit, tenetur restituere beneficium cum fructibus, *C. 59. h. t. nisi prius ipse restituerit, ne committeretur talis simonia, vel nisi dantes pretium, in fraudem electi hoc fecissent, ut ipsum redderent inhabilem, C. 27. c. 33. de Simon. Simoniacè electus licet ignorans, quando fuit simonia completa non potest eligi ad eandem Prælaturam, donec vitium purgatum sit, quod quidem purgatur, si illa electio simoniaca irritetur, & alius legitime eligatur. Nec Episcopus potest cum eo dispensare, C. 59. h. t. Ad aliam tamen Ecclesiam, vel dignitatem nullo jure prohibetur eligi. Si tamen ipse electus simoniam commisit, debet prius agere de suo crimine poenitentiam, & ab excommunicatione absolvi. Illi qui ob aliquod crimen semel à Prælatura sunt repulsi, non possunt iterum eligi, *C. 12. h. t. quia semel malus semper præsumitur malus, C. 8. de Reg. jur. in 6. ille verò, cujus electio fuit cassata, non vitio personæ, sed formæ; dum non intervenit simonia, iterum potest eligi, C. 12. h. t. Et Gonz. ibid.****

146 Nec possunt eligi ligati excommu-

municatione majori, *C. 7. h. t.* Imò etiam si tantum sint legati minori excommunicatione, *c. fin. de Cleric. excom.* licet possint eligere, *C. 39. h. t.* quia sunt privati Sacramentorum receptione: ac proinde non possunt eligi ad ea administranda. Similiter suspensi ab officio: quia non possunt eligi ad officium, cujus exercitio privati sunt, *c. fin. de Cleric. excom.* nec itidem suspensi à beneficio, quia cum privati sint perceptione fructuum beneficii, quod jam possident, non possunt promoveri ad novum beneficium, per quod acquirant jus redditus Ecclesiasticos percipiendi. Personaliter interdicti; *arg. c. 8. de Consuet. nec violatores interdicti, tam personalis, quam Localis.* Hi enim sunt privati jure electionis tam activæ, quam passivæ, *C. 1. de Postuli. Prælator. Et cum Extrav. Ad vitanda:* non respiciat utilitatem censuratorum, sed solum Ecclesiæ, & aliorum fidelium, isti censurati, quamvis tolerati sint, eligi nequeunt. Omnes irregulares, sive ex delicto, sive ex defectu, cum sint inhabiles ad officium, inhabiles etiam censentur ad beneficium, quod datur propter officium, *c. fin. de Rescript. in 6.* De his omnibus late *Barbos. de offic. & potest. Episc. alleg. 42. Gonz. in c. 2. h. t. n. 4. & alii.* Pro aliis qualitatibus, quæ debent attendi ad eligendum Episcopum videatur, quod ait *Apost. 1. ad Timot. 3. Et ad Titum. cap. 1. c. fin. D. 51. Et ibid. Interpretes, præcipuè videatur Barbos. de Offic. & potest. Episc.*

147 Electio indigni, seu prohibiti eligi est ipso jure nulla. 1. Si repellatur quis per impedimentum naturæ, *C. 20. h. t. 2.* Si indignus sit ob crimen, ob quod incurrit infamia juris: si tamen solum infamia facti incurratur, poterit sic electus retinere in conscientia Dignitatem, si nullus defectum infamiæ ipsi objiciat, & speret notam infamiæ abolere: quod à fortiori dicendum est de crimine occulto. 3. Ob interdictum, suspensionem, vel excommunicationem majorem, *C. 8. de Ætate, & qualif. c. 7. c. fin. de Cleric. excom.* De electione simoniaca dictum est supra. Erit irritanda electio, si quis repellatur propter excommunicationem minore, *C. fin. de Cleric. excom.* vel propter irregularitatem: quia talis electio solum contra jus prohibens, non verò contra jus irritans erit. Sed cum sit facta de persona, quæ non valet à Superiori confirmari, irritanda erit; *arg. C. 1. de Ætat. & qualif. licet alii dicant, irritam esse.*

148 Eligentes scienter indignum, si subsecuta sit communis electio, privantur beneficiis per triennium; quæ obtinent in illa Ecclesia, specialiter offensa, *C. 7. §. fin. h. t. secus beneficiis, quæ in aliis Ecclesiis obtinent, C. 37. §. Porrd. h. t. in 6.* Nam in quo quis peccat, puniri debet. Et pro ea vice ipso jure privantur jure eligendi, *C. 18. h. t. in 6.* non verò pro aliis; sicque possunt eligere in secunda, & sequentibus electionibus, *C. 25. h. t. & ibid. Gonz.* quæ privationis poena comprehendit eos, qui Dignitatem, vel Prælaturam indigno conferunt, in ea institunt, vel confirmant; *arg. C. 44. h. t. vel qui eligunt ad Dignitatem, & Prælaturam Episcopatu inferiore, C. 18. h. t. in 6.* Si vero communis electio non sequatur, non incurritur hæ poenæ cum poena debeat cum effectu intelligi: imò potest, & debet procedi ad electionem, *C. 7. h. t. in 6.* Quando omnes Capitulares elegerunt indignum, devolvitur jus eligendi in Cathedralibus ad Papam, in aliis verò Ecclesiis ad proximum Superiorem, *C. 18. h. t. in 6.* Si non omnes indignum elegerunt, ad non delinquentes jus eligendi devolvitur, & valet electio, etiam in eodem scrutinio facta, à non delinquentibus, & etiamsi minorem partem constuant, *C. 53. h. t. Imò, etiamsi unicus tantum sit, qui si velit solus poterit eligere: quia in illo remanent jus Collegii Gl. in c. 7. h. t. in 6.* quod si velint non delinquentes, possunt suo juri renuntiando, delinquentes admittere ad electionem, *Gl. in c. 25. h. t. v. Admiserat.* Ad hos tamen admittendos, debent omnes consentire, sicut ad admittendum extraneum: quia quod omnes tangit debet ab omnibus approbari, *C. 29. de Reg. jur. in 6.*

149 Triplex invenitur forma, seu modus Canonice eligendi, qui mirifice describitur in *C. 42. h. t. desumpto ex Conc. Lateran. ubi statuitur: 1. Ut cum electio fuerit celebranda presentibus omnibus, qui debent, & volunt, & possunt commode interesse, assumantur tres de Collegio fidedigni, qui secretè, & sigillatim, vota cunctorum diligenter exquirant, & in scriptis redacta mox publicent in communi: nullo prorsus appellationis obstaculo interjecto: ut is, collatione habita eligatur, in quem omnes, vel major, & sanior pars Capituli consentit. 2. Vel saltem eligendi potestas aliquibus viris idoneis committatur, qui vice omnium, Ecclesiæ viduatæ provideant de Pastore aliter electio facta non valeat. 3. Nisi forte communiter esset ab omnibus, quasi per*

*inspiracionem absque vitio celebrata. Qui vero contra prescriptas formas eligere attentaverint, eligendi ea vice potestate priventur.* 1. modus dicitur per scrutinium. 2. per compromissum. 3. per inspiracionem. Tractatus de quo in C. 21. & 30. h. t. non est omnino necessarius.

150 Electio frequentissime fit per scrutinium. Scrutatores de iure communi debent esse de Collegio, & à Collegio Collegialiter electi: post Collecta ergo à scrutatoribus suffragia, secundum ordinem, & modum legitimum uniuscujusque Capituli Ecclesiastici, incontinenti, nullo alio actu alieno interposito, est facienda publicatio suffragiorum. Publicatio jam facta, non possunt Electores variare, vel mutare suffragium, cum jam suo officio sint functi: Et possunt per superiorem ad collationem, si renuant compelli, C. 58. h. t. nisi forte nova electio: v. g. quia nullus ex electis habuit majorem partem Capituli, vel quia electus renuntiavit, vel quia erat indignus. Nam tunc cum nulli sit jus quæsitum, nulli sit injuria: ac proinde permittitur variatio. Ante publicationem scrutini liberè possunt Electores variare, & alios eligere, *Barbos. de Jur. Eccles. lib. 1. cap. 19. n. 217.* post scrutini publicationem statim nullo alio actu interposito; procedunt Electores ad collationem suffragiorum, C. 42. h. t. ut videatur, quis est electus à majori, & saniori parte Capituli: Nam hæc duo copulativè requiruntur, nec sufficit, quod electio fiat à majori parte, si non fiat à saniori, nec è contra, C. 42. c. 55. c. 57. h. t. Hæc collatio fit. 1. meritù ad meritum, comparando inter se scientiam, prudentiam, & alias qualitates eligendorum, ut appareat, quis sit magis idoneus, magisque dignus. 2. zeli ad zelum, considerando eligentium prudentiam, probitatem, intentionem, & motiva, ut appareat, quis sit à saniori parte Capituli electus. 3. numeri ad numerum, ut appareat, quis sit electus à majori parte. Et hæc tantum collatio numeri ad numerum attenditur in electione S. Pontificis, C. 6. h. t. Abbatissarum, C. 43. h. t. in 6. Regularium; *arg. Cl. 1. in fin. de Verb. signifi.* & quoties duæ partes Capitularium in unum consentiunt, C. 9. h. t. in 6. Hodie in electionibus solum major pars inspicitur; tum, quia sanior præsumitur, tum ad tollenda scandala, & vitandas discordias, quæ oriuntur ex tali collatione zeli ad zelum: tum denique, quia cum electio regulariter fiat

per vota secreta solum numerus potest attendi; *arg. Trid. sess. 25. de Regul. cap. 6. Barbos. de Jur. Eccles. lib. 1. cap. 19. n. 222. Gonz. in cap. 42. h. t. n. 7. Et in cap. 57. eod. n. 7. & alii.*

151 Tunc autem, quis censetur electus à majori parte, quando in eo consentiunt plura suffragia, non tantum respectivè ad alios, qui pauciora habeant; sed absolute respectu totius Capituli, C. 48. h. t. v. g. si Electores sunt 40. ut quis sit Canonicè electus debet habere 21. suffragia pura, absoluta, & certa. Incerta enim, conditionata, & alternativa non computantur: ac proinde si quatuor suffragia sint dubia, conditionata, vel incerta, illis insuper habitis, consideratur Capitulum constare 36. suffragiis, quorum, qui habuerit 19. erit Canonicè electus à majori parte Capituli, C. 21. h. t. in 6. si duo æqualem numerum habeant, vel nullus sit à majori, & saniori parte Capituli electus propter suffragiorum dispersionem, illo cassato, proceditur ad aliud scrutinium, quosque in unum conveniat plusquam medietas votorum totius Capituli, etiam si solum in dimidio suffragio excederetur, v. g. si Capitulum 41. suffragiis constaret, ille, qui pro se 21. haberet, esset Canonicè electus, quod si duo æqualia omnino suffragia habeant, tunc ille præfertur alteri, qui in aliqua prævalet qualitate, v. g. qui est Doctor, vel major ætate pro quo sunt consulenda particularia statuta, & praxis Ecclesiarum.

152 Post prædictam Collationem, incontinenti est formandum, & promulgandum solemniter Decretum electionis communis, C. 42. c. 46. h. t. Is enim, cui ex officio incumbit, querit à Capitularibus: *An placeat, electum publicari:* quod si respondeant: *placet*, statim nomine omnium publicandus est electus juxta receptam solemnitatem, & consuetudinem uniuscujusque Capituli, C. 21. h. t. in 6. Quod si contra prædictam formam fiat electio, vel ordo immutetur, vel unum non sequatur alterum in continenti, electio ex defectu formæ erit irrita, saltem in foro externo, C. 42. h. t. ibi: *Aliiter electio facta non valeat*; sed juxta aliquos, si nullus electionem factam, contra dictam formam, impugnet, ea subsistet, nec electus tenetur resignare Prælaturam, vel Dignitatem ante sententiam: nec Electores ante sententiam privantur pro ea vice jure eligendi; *arg. C. 28. h. t. videantur latius de hoc agentes; Barbos. de Jur. Eccles. lib. 1. cap. 19. n. 162. Gonz. in c. 36. h. t. n. 7. & in c. 42. h. t. n. 8.*

Se-

153 Secundus modus eligendi est per compromissum, quando scilicet, omnes Capitulares, nemine, expressè contradicente, committunt facultatem eligendi aliquibus viris idoneis, licet non debent necessariò esse de Capitulo, debent tamen esse Clerici; quod si unus ex Capitularibus contradicat, non valet compromissum, ut deducitur ex C. 30. h. t. ibi: *In quos totum Capitulum eligendi transtulerat potestatem. Nam quod omnis tangit, ab omnibus debet approvari, C. 29. de Reg. jur. in 6.* Et quidem potest compromitti in unum; *arg. C. 8. h. t. vel in plures.* Et licet expediat ad tollendas discordias, compromissarios, esse numero impares, pares tamen esse possunt, C. 52. h. t. Compromissarii ergo debent servare limites mandati, *L. 5. ff. Mandat. eligendo, vel ex Capitulo, vel extraneum, vel aliorum adhibito Consilio, C. 52. h. t.* Et licet tunc teneantur exquirere aliorum Consilium, non tamen obligantur illud sequi, C. 62. de Reg. jur. in 6. Et ille, in quem major pars compromissariorum consentiat, erit electus, C. 32. h. t. vel postulatus, C. 30. h. t. Nam cum postulatio sit electioni accessoria sub illa comprehenditur, C. 42. de Reg. jur. in 6. nisi expresse in compromisso excludatur facultas postulandi. Si alicui eligendi potestas data fuerit sub hac forma: ut ipse secreto, & sigillatim, votis singulorum de Capitulo exquisitis, & in scriptis redactis, illum eligat in quem plures de Capitulo, partium comparatione minorum, consenserint, licet consentientes majorem partem totius Capituli non attingant, ipseque juxta traditam sibi formam eligat eum in quem non major pars, sed plures de dicto Capitulo, quam in quemquam alium direxerant sua vota electio est nulla, utpote facta præter formas à Concilio præscriptas, C. 23. h. t. in 6. quando plures sunt compromissarii possunt ipsi unum ex compromissariis eligere: quia nulli suum officium debet esse damnosum, imò si duo sint, & Titius, v. g. eligatur à Cajo suo collega, potest Titius in sui electionem consentiendo, illam complere, C. 33. h. t. & ibi. *Gonz.* imò aliqui dicunt, quod cum mortuo Clem. V. Electores committerent electionem per compromissum in Cardinale Jacobum de Ossa, ille dixit, *Ego sum Papa*, fuitque coronatus sub nomine Joannis XXII. ut affert: *Moreri in Diction. Histor. sed alii hoc negant, tenentes, quod compromissarius, quando est unicus non potest seipsum eligere; arg. c. fin. de Instir. c. 26. de Jur.*

Tom. I.

Patron. Electus à compromissariis debet publicari, sicut in scrutinio, C. 21. h. t. in 6. quia talis electio est actus totius Capituli, & fit nomine omnium.

154 Compromittentes debent admittere electum à compromissariis, si hi elegerunt idoneum, & formam compromissi observarunt, C. 8. c. 52. h. t. quia jam per alium, scilicet, compromissarium, functi sunt officio suo. Si verò indignum elegerunt; vel etiam idoneum, sed contra formam præscriptam in compromisso, possunt compromittentes alium de novo eligere. Si intra tempus à jure præfixum non eligunt compromissarii, devolvitur facultas eligendi ad superiorem, non ad Capitulares; his enim, quamvis non commissio, omissio tamen, vel negligentia compromissariorum nocet, C. 37. h. t. in 6. Si tempus fuit à compromittentibus præfixum, ad ipsos facultas eligendi redit, debet tamen computare illud, intra quod deberunt compromissarii eligere. Si compromissarius eligit indignum sive scienter, sive ignorantèr, ad Capitulares devolvitur facultas. Idem est, si idoneum eligat: sed hic vel non acceptet, vel renuntiet, vel moriatur; quia cum pro una vice tantum sit concessa facultas eligendi: hæc expirat, cum compromissarius semel eligendo, suo officio functus est. Si scienter eligit indignum, ipse solus ab Ecclesiasticis beneficiis est suspensus per triennium, quæ suspensionis poena solum extenditur ad beneficia quæ habet suspensus in Ecclesia offensa nec, comprehendit compromissarium, si forte sit Episcopus: nec extenditur ad Prælaturas, & beneficia inferiora Episcopatu, si forte ad ipsa conferenda fiat compromissum, C. 7. §. fin. h. t. c. 37. eod. in 6. Hinc deducitur quod compromissum finitur, si electio, vel postulatio fuit sine effectu: quia pro una vice tantum est concessa facultas, qua functi sunt eligendo, quamvis sine effectu, quia electus v. g. renuntiet, vel moriatur. Similiter finitur compromissum, si conditio compromisso adjecta deficiat, vel tempus compromissariis assignatum sit elapsum, C. 52. h. t. vel si compromissum revocetur à majori parte compromittentium, re adhuc integra, id est, antequam ad substantialia electionis sit processum; *arg. a contr. c. 30. h. t. sicut quodlibet mandatum revocatur, §. 9. Instir. de Mandat.*

155 Electio quasi per inspiracionem fit, quando, nullo præcedente tractatu, Electores in loco solito congregati omnes una-

G